

Uunga siunnersuut: Namminersorlutik Oqartussat Stockholmimi nunani tamalaani isumaqatigiissummut tunngatillugu Kalaallit Nunaannut nunamut nangaassuteqarneq atorunnaarsissagaat pillugu Inatsisartut aalajangiiffisassaas
(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Saqqummiussinermut allakkiaq

(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Siullermeenera

Stockholmimi nunani tamalaani isumaqatigiisut 2004-mi atuutilerpoq. Ullumikkut isumaqatigiisummik nunat 200-ngajaat atsiorsimapput. Stockholmimi nunani tamalaani isumaqatigiisuttip pilersinnissaanik suliaqarnermi ingerlatsissut ingammik tassaavoq Issittumi avatangiisini toqunartunik mingutsitsinerup annikillisinissaanik, aammalu Issittumi inunnet akuutissanik taakkuninnga malunnartumik atugaqarnerup annikillisinissaanik nunat tamalaanit kissaatiginninnerit. Avatangiisini toqunartut, pinngoqqaatit POP-it, tassaapput akuutissat ajoqusiisartut arlallit, arriitsumik arrioriartortartut uumassusilinnilu katersuuttartut.

Stockholmimi nunani tamalaani isumaqatigiisut inuit peqqissusaannik, aammalu avatangiisini inuup pilersitaanik pinngoqqaatinik POP-inik aniatsitsinernut illersueqataammat siunnersuut saqqummiunneqarpoq. Isumaqatigiisuttip pinngoqqaatinik POP-inik atuineq killilerpa, isumaqatigiisullu pinngoqqaatinik POP-inik ajoqusiinerpaasunik tunisassiornermik, nunamut eqqussuinermik, avammut nioqquteqarnermik atuinermillu atorunnaarsitsiniaanissamik suleqataasunut pisussaaffiliivoq.

Pinngoqqaatinik POP-inik mingutsinneqarnissamut nunani eqqugaanerpaasunut ilaavugut. Akuutissat pingaarnertut avatangiisitsinni nerisatsinnilu pisartut amerlanerpaat silaannakkut imaluunniit immap sarfaa aqutugalugu Issittumut pisarput. Pinngoqqaatit POP-it innuttaasut peqqissusaannut avatangiisinullu ajoqusiinernik ilungersunartunik arlalinnik pinngortitsisinnaapput. Akuutissat kræfteqalersitsisinnaapput, aammalu inuit uumasullu kinguaassiornerinut ineriartornerinullu sunniuteqarsinnaapput. Isumaqatigiisuttip sunniuteqarsinnaassusaanut pingaaruteqartoq tassaavoq pinngoqqaatinik POP-inik atuinerup killilernissaa pillugu nunarsuarmi sapinngisamik nunat amerlanerpaat peqatigiinnissaat, isumaqatigiisummillu akuersississuteqarnissaat.

Avatangiisini pinngoqqaatini POP-ini amerlasuut eqiterunnerat suliassaqarfimmi ukiut qulikkaar kingulliit nunat tamalaat suliaqarnerisa kingunerisaattut appariartuaartoq 2015-imit peqqissuseq pillugu nalunaarutit takutippaat. Tamatumani Stockholmimi nunani tamalaani isumaqatigiisut annertuumik inissisimaffeqarsimavoq. Taamaattumik nunarsuarmi pinngoqqaatit POP-it killilersimanissaat pillugit nunani tamalaani isumaqatigiisummik tassannga pilersitsineq avatangiisitsinnut akuutissanik ilanngussuinerup killilersimatinnissaanut annertuumik pingaaruteqarpoq. Ajoraluartumik pinngoqqaatinik POP-inik innuttaasutta ilarujussui suli aarleqqutiginartumik annertussusilinnik iioraasoqarput. Taamaattumik nerisassani pinngoqqaatinik POP-inik iioraanerup killilernissaanut attuumassuteqartumik paasisitsiniaanermik suliaqarnitsinnik isumaqatigiisummik akuersissuteqarneq aamma nukittorsaaqataasinnaavoq.

Avatangiisivut peqqissuserpullu pillugit illersuinissarput pingaartuuvoq.

Taamatut oqaaseqarnikkut siunnersuutip akuersissutiginnissaa inassutigineqarpoq.